

Las scolettas el 1959

Autor(en): **Felix, Anna Lina**

Objektyp: **Article**

Zeitschrift: **Annalas da la Societad Retorumantscha**

Band (Jahr): **73 (1960)**

PDF erstellt am: **27.09.2024**

Persistenter Link: <https://doi.org/10.5169/seals-225033>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Las scolettas el 1959

Gl' onn 1959 (marz 1959—marz 1960) â la Leia Rumàntscha puspe mantanieu near sustanieu 31 scolettas, 13 scolettas ca stattan sut tgira directâ a 18 ca vignan sustanidas davart da la Leia.

Ear suaintar la vuschada digl ampren da marz e 'gl vagnieu luvro anavànt an nossas scolettas, ad oz suaintar la lagrevla dumeingia digls 3 d' avregl â 'gl samusso ca quegl e sto la valetta. Uss pir ca me veanigl da star aint par la tgossa a da far la lavur pigl Rumàntsch cun tutta cunzianztga.

Igl onn 1959 â purto par egn pér da nossas scolettas egna near l'otra midada. Ascheia â la scoletta da *Calantgil* sen d' atunn savieu ir sei an tgea da scola nova, noua c' igl eara vagnieu samtgieu par ella egna beala a sulegliva stiva. Suaintar ca la scoletta da stad dad *Alvaschagn* eara stada sarada digl 1958 â giufna *Pia Eugster* surprieu ella la davosa stad, a nus vagn spranza c' ella turni puspe sen parmavera. A *Castrisch* â giufna *Dorathe Bundi* banduno igls 15 da maig la scoletta par ir an egna tgea d' unfànts a Langenbruck. Igl ampren da maig â giufna *Maria Cavelti* da Razén calo sia lavur a *Tgazzas* par ir a samaridar an Fràntscha. Se *Flem* veanigl suaintar Pastgas ear a dar egna midada cun quegl ca dunna *Christina Straub-Bundi*, ca â gieu nozzas gl' atunn, vut questa parmavera suandar sieus um ca e allas Indias. Ear la scoletta da *Bargugn* sto vurdar par egna nova mussadra, partge l' onda *Margrit Godly* â demissiuno segls davos d' avregl. La Leia Rumàntscha glis angraztga par la lavur prestada a giavischa anavànt tut igl bian. Giufna *Anita Candrian* ca â do dus unviarns scoletta a *Riòlta* e ida la parmavera par egn onn an Angalteara, mo ella turna par sorprendere d' atunn la scoletta vacanta da *Flem*. Nus salagragn da saver bavgnantar ella puspe an noss ravugl rumàntsch. Dunna *Meingia Gees-Tscharner* ad *Almen* â demissiuno la stad cun quegl c' igl vagneva ad ella mengia blear da far igl partgea ad ànc la lavur an scoletta. La Leia Rumàntscha â tutta capiantscha par sia situaziùn, angraztga ear ad ella par sia lavur a giavischa c' ella possi sadeditgear ànc blears onns a sia famiglia. Displaschevalmeing â la Leia gieu nigra mussadra da metter ad *Almen* ad ascheia e quella scoletta sarada davent digl atunn. Las scolettas da *Tgazzas* a *Riòlta* en ear vagnidas sistidas davent digl atunn. Cunzund a *Tgazzas-Vitg* e la situaziùn greava tras quegl c' igl rumàntsch â toccan oz ànc betga cato la continuaziùn basgnevla an scola primara. A *Ratitsch* e la situaziùn garantida agl maint ca la scoletta da *Riòlta* e puspe an funcziùn. Agls otars liacs e 'gl ple favureval. Ear a *Ziràn*, *Scharàns* a *Veulden* vignan oz dadas regularmeing uras rumàntschas an scola. Tuttaveia a *Pasqual* e igl

Rumantsch bagn da tgea tras tuttas classas da la scola primara, cun quegl c' igls scularets rivan bagn samtgeas se da scoletta an scola.

Agl curs digl onn en vagnidas sculadas 6 mattas tras la Leia, numnadameing las giufnas: *Johanna Michael*, Farden, *Barbla Plouda*, Ftan, *Eva Battaglia*, Sched, *Loni Jörg*, Domat, *Pia Eugster*, Alvaschagn, *Irma Casty*, Trin. Sco nus vagn gest getg â giufna Pia Eugster mano la scoletta dad Alvaschagn. Giufna Johanna Michael â surprieu la scoletta da Castrisch a giufna Barbla Plouda quella da Ftan. Digls 31 da marz toccan igls 2 d' avregl e vagnieu do egn curs ca â musso da far figuras da Tgasparet. Prieu part da que curs ân las mattas: *Johanna Micheal*, Castrisch, *Antonia Willi*, Domat, *Claudia Sigron*, Pasqual, *Paulina Janutin*, Tumeagl, *Ursina Sommerau*, Scharàns, *Angelina Secchi*, Ziràn.

Igls 21 da novembar â gieü lia a Tusàn la bagngartageada tearza cunfarenza da la *Cuminànza Mussadras Rumàntschas*. 33 mussadras da tut las valadas ân prieu part da quella. Sear *Giusep Derungs*, surmestar a Cuira, â fatg egn stupent refarat sur digl tgant an scoletta ca e vagnieu publitgieu an «La Pünt».

Nus savagn cunstatar ca, sper las 30 scolettas tudestgas a 15 talianas, existan oz agl Grischùn rumàntsch 42 scolettas, a nus lagn ver sprànza c' ellas possian viver a davantar ple a ple fearmas agl survetsch par noss lungaig rumàntsch. *Anna Lina Felix.*

Regulatif par las paias da las mussadras an vigur digls 1. satembar 1959

A. Relaziùns da la teara:

Amprandùnzas:

amprem a savund onn	frs. 270.—
tearz onn	frs. 320.—

Mussadras:

quart a tschentgaval onn	frs. 370.—
sisaval onn	frs. 395.—
cugl seataval onn cuntainscha la mussadra igl maximum da la paia	frs. 420.—

B. Relaziùns spezialas a da martgieu:

Amprandùnzas:

amprem a savund onn	frs. 330.—
tearz onn	frs. 380.—

Mussadras:

quart a tschentgaval onn	frs. 430.—
sisaval onn	frs. 455.—
cugl seataval onn cuntainscha la mussadra igl maximum da la paia	frs. 480.—

Par tuttas posiziùns: 10 % suplemaint da carischeia.

Nossas societads affiliadas

Società Retorumantscha

La radunanza generala ha nossa società salvà als 20 mai 1959 al «Calanda», Cuaira. La frequenza ais statta fich buna ed ha demuossà l'interess cha 'l pövel rumantsch ha per sia plü veglia società linguistica-culturala. Un bel numer da grandcussgliers our da nossas valladas rumantschas ed eir otras persunas d'utrò chi's rechattai-van quel di illa chapitala grischuna han tut part a nossa tschantada. Davo fat bun il rendaquint da l'an antedaint gnit elet in piazza da signur dr. Gian Caduff, chi demischiunet, signur rav. Fl. Darms, Trin, sco nouv commember da nossa suprastanza. Las otras fatschen-das administrativas fütan svelt evasas.

Signur dr. Alexi Decurtins, conredatur al Dicziunari rumantsch grischun, salvet ün stupend bel referat «*La scienza e la calamità dil romontsch*». Las explicaziuns dal referent bain versà illa materia gnittan tadladas dal auditori cun grand'attenziun ed ingrazchadas cun viv applaus.

Als 14/15 favrer 1959 gnit giovà per la prüma vouta a Zernez il drama «*La Tuor*» cumpilà da nos actuar, *Tista Murk*. Quaista prüma rapreschantaziun ais statta fich bain frequentada da tuot las varts da l'Engiadina. Cul sustegn da la Lia Rumantscha ais stat pussibel a mincha società rumantscha affiliada ad ella da trametter üna delegaziun a Zernez. Sgür e tschert ais quaist stimul davart da la LR bun e salüdaivel. Al poet Tista Murk, chi ha cun si' ouvra sport ün bel inrichamaint a nossa litteratura rumantscha, gratulain nus sincermaing per seis success.

Dürant l'an passà ans vain nus bler occupats cun las chosas da la Lia Rumantscha. La votumaziun disgrazhada dals 1. marz 1959 intimet la LR da reveder parzialmaing seis tschantamaints. Il suottacrit fet eir part a la pitschna cumischiun d'experts chi elavuret ün sböz per novs tschantamaints da la LR. La mira principala ais stat quella da liar la LR plü stret vi da sias societads affiliadas. Quaist puonch gnit realisà introduënd il «Cussegl», chi 's cumpuona